

De Trupialen ta celebra 60 aniversario cu un Santo Sacrificio

“Ta sumamente importante pa nos mes duna balor y respet na nos herencia cultural. Cultura ta refleha ken nos ta, di unda nos ta bin y kico nos ta sostene.”
“Musica ta alimento pa alma, Musica ta alegre nos bida”
“Ki, ta un pueblo sin folklore – Den bida di un pueblo folklore ta importante” “Si bo planta

maish’I rabo, e no por nace maishi grandi – Loke bo planta lo bo cosecha. No spera lo ke ta imposibel.”

“Nos presente ta claba den nos pasado, no negligha nos pasado
“Duna respet na nos idioma papiamento”

Nos a skirbi hopi den pasado di e historia y balor di De Trupi-

alen pero nos ta kere cu locual e frasenan y dichonan aki ta bisa ta loke semper nos a para pe. Balor, respet, musica, amor pa nos prohimo y nos pueblo y nos grandinan, disciplina, perseverancia, nos identidad y nos idioma.

Pa medio di esaki Directiva di De Trupialen kier a invita

Bo persona pa bin celebra cu nos e di 60 aniversario di De Trupialen.

Bin celebra cu nos esaki durante un santo sacrificio di misa canta pa un coro grandi di De Trupialen, Diadomingo 13 di Januari na misa San Francisco na Playa pa 8’or di mainta